

遼州續志

第一册

序

衙名

凡例

八景

目錄

宸翰

上諭

條教

書籍

匾額

論祭

光緒十六年新刊



平遠州續志

州署

1814

平遠州志序

州郡之有志猶國之有史舉凡山川都鄙人物土產疆域沿革風俗盛衰天心人事之感召
陵谷滄桑之變換以及忠孝節義維世表裡
不蔽者此志無以示來於平遠舊為水西比
喇地原熙間改為府尋改為州志歲久失
修文獻闕然先儲成子黃刺史紹先牧是邦
爰取殘板重加刊刻並檢趙君竹庵等蒐輯
原冊略者增之繁者刪之漫集中君石渠湛君

德波等考核以實之後、官斯土者沿流溯
原手是編以周知矣是邦之掌故其於治思
過半矣余謫廼未能一一為之釐訂而深喜
黃牧之政勤心勞有裨於平遠非鮮也
宸賡敷詒誌其類未如此
光緒庚寅仲春貴西備兵使者邵積誠識



續修平遠縣志序

昔李吉甫作元和郡國志成謂執事可
以善治王陽明之序高平縣志也白起
坑卒歸咎於諸侯之去其籍於是
以強凌弱以衆暴寡而奸雄遂不復有
所忌憚志之所闕顧不重哉

紹先
勇時

隨官黔中親見

先大夫歷任州郡於簿書之餘即以
志乘為念故永甯州志實纂自

先大夫子誠以舉一方之利弊而興革
之能志乘無所遺事也平遠為比喇
地前為安民潛踞時叛服不常自我
朝恩威遠播藉隸其民人而化之至今近三
百年人文蔚起侏儒推髻之地一變

為衣冠秉禮上邦雖當小醜跳梁豈
論漢夷皆能操戈殺賊故城象陷者
數次而卒能保全推原其故皆由沐浴
聖教以來人知禮法咸曉然於順逆八道故
能忠君親上以之即戎而外匪不足為
患耳余以去年冬奉

天子命來牧是邦暇日占紳耆詢及城

志僉云平遠向無志始創修於邱公
業嗣是有鹿俞王李四君以時加修
輯至徐公豐至志乃大備迄今四十
年無繼之者先是汝牧錢又堽曾
囑趙只光表等採輯成書志未成
而他去事遂中止邇來又十有六年
矣余閱之慨然曰一家且必有譜而後

可齊况如縣志於是再三搜求舊志
原本並取趙君等採訪抄本閱之均
殘缺不全因思不及此時續修恐數年
後將併此殘缺者而亦失之則凡建置
沿革制度典章以及風俗之變易人
文之盛衰吏治之興廢物產之盈虛
必至茫漭微考而官於斯者何以因

地制宜生於斯者更何以問風觀感哉
噫志之宜修此非異人任也爰即舊志
不全者為補其殘缺急圖續刊以前
任錢又採輯一書焉考廉由石渠
謀德波諸又續入而編次之余不揣
固陋之餘之暇更為之增其畧刪其
繁間有未當者則檢查案牘訂法

者舊證法輿論以核其實閱數月而
成書其體例悉仿永甯州志及新
舊通志雖決擇未精記載不無缺
畧然覽是篇而官斯土者可覈其
源流生斯土者可知所勸懲又何至
以強凌弱以衆暴寡之輩所忌憚哉
維先兆敢言博洽所冀後來君子

而潤色之亦如昔甫之元和郡國志成
執此可以善治是則私衷之所竊企者
爾是為序

光緒十四年歲在戊子季秋月上浣知
平遠州事會稽黃紹先撰



續修平遠州志序

傅桐

志乘爲一邑信史，歷久失修，則無以信今而傳後。平遠在康熙初爲府治，志之作始於邱黃二太守。嗣經劉俞鹿各刺史，歷次增訂。至乾隆十九年，李霖邨刺史復加筆削，蓋花甲周而已。數經編纂矣。自是至道光丙午，將近百年，事實頗多，得徐石民刺史重修，規模益臻完備。蓋閱時愈久而考覈於以愈詳焉。咸豐以來，賊氛漸熾，亦越同治益肆。鴟張幸賴，各大憲勵精籌畫，剿撫兼施，遂得肅清。

全省大憲壹以考獻徵文爲急同治十三年奏
明開局續修通志酌定採訪條例札飭各府廳州
縣一例設局採訪重修是時牧平者爲錢伯雅刺
史遵於光緒元年延紳纂修而以分修屬桐惜刺
史去任太速未終厥事稽遲十有餘年回憶丙午
一修至今又四十餘年矣其間天時之變遷疆理
之更移文臣武將之勳勞戶口田賦之盈縮戰攻
防勦之機宜典禮科日之廢興與忠孝節義儒林
著作在在混淆無可徵信續修不早將何以資考

證幸有黃越生公祖來牧是邦詩禮名家縹緲世
族軫念吾平兵燹之餘元氣未復政令從寬與民
休息下車以來興舉廢墜尤以續修志乘爲亟庶
寅三月延德波謚君石渠申君總纂其事而仍以
分修之任屬桐責在贊襄不可無言爰綜核修志
之時代遠近並標提志中條例見續修之關於合
州者至重且合後之覽者或因是感發興起時加
訂正斯不至有厯久失修之患也夫是爲序

續修平遠州志序

申雲根

志以紀事也然事繁則失之碎事簡則失之畧昔
江文通謂著述之難無出於志者此也今年戊子
值越翁刺史牧平之二年政簡刑清百廢脩舉因
思卽一方之利弊而興除之非志乘不可爰查取
舊志殘板重加增刻復檢得趙君竹菴等蒐輯一
冊閱之已散佚不全於是有續修之舉根竊維修
志於平遠今日其難有四溯自楊逆首禍髮賊披
猖而苗匪緣匪擯匪俱一時響應於山谷或分或
合竄擾不時議勦議防殆無虛歲則事蹟難詳也

沿河民舍一炬成焦或臨敵陣亡或禦賊赴難或
烟迷古洞一縷魂飄或卵覆孤巢千巖血濺上下
十餘年間其暴骨荒原埋沒姓字而不彰者蓋不
啻恒河沙數則闡發難周也迄今烽烟已靖村舍
猶稀莽莽荒榛盈阡蔽野新圖未脩舊冊全湮則
戶版難齊也侏僂椎髻土著皆苗漢民遷居五方
雜處語言文字互相異同則風俗難定也雖人才
政事不異昔時德業文章甲於他屬然有此四難
前任諸公所以畏難中止矣顧蕭何入關祇取丞

相府圖籍曹參入蜀篋中惟載圖書此何故哉夫
政治必有考鏡而後揆時度地不難辨其緩急之
宜民情必有觀型而後易俗移風不難作其忠貞
之氣前事不忘後世之師顧可畧歟設此時緩加
編輯將事久無徵流傳失實他日修志之難必更
有甚於今日者奚以昭職守而垂法戒乎根不敏

謹體刺史力任其難之意勉襄厥職幸甚君德波
等時匡不逮而更得刺史聽政暇日時爲覈其源
流指其次第辨其是非正其謬失爰不揣謏陋謹

仿通志列綱有九爲目五十有四雖未能繁簡得宜然是書成而凡災祥沿革忠孝節廉以及風土典章人文政績皆可執卷考証無難也詞固不文事豈就湮與受鬼責何恤人言爰識其緣起如此而刺史興利除弊之實心亦可於是編概見也夫

平遠州續志修輯銜名

鑒定

貴州貴西兵備道邵積誠

大定府知府程榮壽

總理

平遠州知州黃紹先

總纂

大挑一等分發直隸知縣己巳舉人申雲根

大挑二等署餘慶縣訓導己卯舉人湛顯模

分修

平遠州儒學學正 章炳然

己卯科舉人 周光藻

候選訓導 何膺紘

候選直隸州州判恩貢生 譔厚銓

候選直隸州州判恩貢生 傅桐

候選直隸州州判恩貢生 王家垣

候選訓導歲貢生 黃如鑑

候選直隸州州判拔貢生 陳壽昌

候選訓導

彭常惺

候選訓導

譔金壽

候選訓導

藍錫嘉

候選直隸州州判副榜

黃承宣

採訪

歲貢生

傅作書

恩貢生

王克鼎

歲貢生

喻觀儀

廩生

朱紹陽

廩生

胡祖禹

廩生

王嘉霖

廩生

張道藩

廩生

王克慎

附生

王家銘

附生

譔繼模

附生

彭萃芳

附生

李文彬

附生

楊昌漢

附生

程鎮清

附生

秦克舉

附生

安開誠

附生

張登瀛

附生

陶淑

附生

謝寬厚

附生

王德馨

附生

丁體文

附生

徐科

武生

杜鴻高

校對

恩貢生

何秉坤

廩生

黃斯盛

廩生

胡祖昇

附生

譔亮模

繕寫

廩生

周德昌

廩生

徐永昌

廩生

胡祖訓

增生

彭蘊芳

增生

黃斯慶

附生

諶庠模

附生

田興端

附生

趙鎮山

附生

鄧人龍

校刊

平遠州吏目

姜文吉

卷之四
候選訓導

周京盛

武舉

楊兆炘

武舉

朱奎光

武生

羅亨廷

武生

張汝斌

承辦齋長首事

廩生

喻熙豐

廩生

胡祖勛

增生

陳景昌

凡例十二則

一是編雖得前任錢君採輯抄本以爲根據然世事日增多有未經採入者爰出示訪察城鄉調查案牘正其謬刪其繁增益其所無凡舊志詳者仍其舊畧者補其新叙而不斷志乘例也舊志訖於道光戊申二十八年茲起於己酉二十九年分爲兩函庶不沒前人之長亦便於查考

一修志於兵燹之後儒家聚訟間謂體例有宜變者然考貴州通志係張制軍廣泗於軍務初平時

修輯其體裁究未稍殊今謹仿新舊通志及永甯志分爲八門列目其下俾開卷燎如指掌至首列宸翰照新頒條例宣示塤氓取春秋尊

王之義也

一天文星野諸家各異其說前志主參星不爲無據然天道精微究屬難測爰從別志中附錄他說以備參考至祥異之事荒誕者不敢書惟察其實而有徵者附錄之以昭炯戒

一地理山川疆域終古不變已詳前志不贅惟

燹後城池僅存各建置蹂躪殆盡閒有燬而重修及前志未採者悉爲補入

一官斯土者雖慈惠廉明皆職分所當盡然輿情共戴究難沒其撫字之勞是編凡歷任職官苟循聲卓著士民僉稱者悉附註其下以彰政績至兵以衛民武職繼之兵防舖遞前志已詳惟員弁兵丁不無裁減然記載無多不成卷帙故以附武職後以見武備之修關於疆場者甚重也

一食貨糧額僅復而實收未經足數俟後再行補

入至義穀則登載頗詳以其足備荒歉而有關民命也新增南北賓興文昌閣租額均附

一風教具載前志惟補修文廟及書院新設義學載入至禮樂器有未備者錄其說以俟考

一選舉自咸豐辛亥以後科目仕宦均仿前志體例載入至勞績以勵忠封典以教孝咸登誌之足見文經武緯後起者之蒸蒸日上也

一人物鄉賢固爲士林楷模首爲登志其一時忠孝節義無非欲維風化而昭激勸然必業經旌表

有案可查者始登之其餘或鄉里共稱確鑿可據者方敢附列至隱逸耆壽均彙爲一冊亦以見是邦人物之盛

一藝文雖屬緒餘究爲輜軒所必採濫爲載入殊不足昭謹嚴概事刪除又不足觀風化今仿通志凡有關吏治民風者登之其餘題詠亦必關名勝古蹟者錄之庶善善從長仍不失記載之旨

一天下事常變錯出正奇紛呈凡理所無而事或有者皆得附諸卷末正如山海有經齊諧有志原


以廣見聞而資考鏡也

一是編雖係採訪城鄉調查成案悉心修纂恐難免疎略舛訛之譏然以今日刻本爲異時發端疎略者補之舛訛者正之棄短存長匡余不逮是所望於後之君子焉

王

母

園



第一景

東寺晚鐘

方存義繪

圭峰詩





岳峙

天池

龍

觀

蓮葉
一勺泉

大觀在上

通幽


漸入佳境

磴道

圓射








第二景

西山早雪







第三景

三潭滾月







第四景

雙流激浪







穿洞留雪











第六景

迴龍湧瀑







第七景

鳳嶺朝宗



起鳳崖





第八景

墨嶠峰年秀







平遠州續志目錄

卷之首

宸翰 上諭 條教 書籍 匾額 諭祭

卷之一

天文

星野 占驗 氣候 災祥

卷之二

地理

城池 祠廟 公署 水利 名勝
山水 沿革

卷之三

職官

知州 學正 吏目 武職 營額

卷之四

食貨

戶口 田賦 倉儲 義倉 公田

卷之五

風教

家禮 義學 禮器 樂器 學校 書院

卷之六

選舉

科目 仕宦 勞績 封典

卷之七

人物

鄉賢 節孝 忠烈 烈婦 貞女附孝女
孝義 隱逸 耆民 壽婦

卷之八

藝文

奏疏

祭文

記

傳

序

附銘跋

示

說

詩

雜記

二
通少元

卷之八首

二

平遠州續志卷之首

宸翰

孔子作春秋首書春王大一統也今照新頒條列
首列

宸翰宣揚斯旨亦以見

綸綍所頒無遠弗届平遠自建置以來隸斯土者文躋
保傅武極封疆

天章寵賚歷有其人然或代遠年湮不能盡采故先恭錄
宸翰數則冠諸篇首以昭敬重

平遠州志 卷之四
聖祖仁皇帝聖諭廣訓十六條

敦孝弟以重人倫

篤宗族以昭雍睦

和鄉黨以息爭訟

重農桑以足衣食

尚節儉以惜財用

隆學校以端士習

黜異端以崇正學

講法律以警愚頑

明禮讓以厚風俗
務本業以定民志
訓子弟以禁非爲
息誣告以全善良
誠逃匿以免株連
完錢糧以省催科
聯保甲以弭盜賊
解讐忿以重身命

高宗純皇帝訓飭士子文

士爲四民之首而大學者教化所先四方於是觀
型焉比者聚生徒而教育之董以師儒舉古人之
成法規條亦既詳備矣獨是科名聲氣之習深入
人心積重難返士子所爲汲汲皇皇者惟是之求
而未嘗有志於聖賢之道不知國家以經義取士
使多士由聖賢之言體聖賢之心正欲使之爲聖
賢之徒而豈沾沾焉文藝之末哉朱子同安縣論
學者云學以爲己今之世父所以詔其子兄所以
勉其弟師所以教其弟子弟子之所以學舍科舉之

業則無爲也使古人學止於如此則凡可以得志
於科舉斯已爾所以孜孜焉愛日不倦以至於死
而後已者果何爲而然哉今之士惟不知此以爲
苟足以應有司之求耳則無事於汲汲爲也是以
至於惰遊而不知返終身不能有志於學而君子
以爲非士之罪也使教素明於上而學素講於下
則士子固將有以用其力而豈有不勉之患哉諸
君苟能致思於科舉之外而知古人之所以爲學
則將有欲罷不能者矣觀朱子此言洵古今通患

夫爲己二字乃入聖之門知爲己則所讀之書一
一有益於身心而日用事物之間存養省察闡然
自修世俗之紛華靡麗無足動念何患詞章聲譽
之能奪志哉况卽爲科舉亦無礙於聖賢之學朱
子云非是科舉累人人累科舉若高見遠識之士
讀聖賢之書據吾所見爲文以應之得失置之度
外雖日日應舉亦不累也居今之世雖孔子復生
也不免應舉然豈能累孔子也朱子此言卽是科舉
中爲己之學誠能爲己則四書五經皆聖賢之精

蘊體而行之爲聖賢而有餘不能爲己則雖經義
治事而督課之亦糟粕陳言無裨實用浮僞與時
文等耳故學者莫先於辨志志於爲己者聖賢之
徒也志於科名者世俗之陋也國家養育人才將
用以致君澤民治國平天下而囿於積習不能奮
然求至於聖賢豈不謬哉朕膺君師之任有厚望
於諸生適讀朱子書見其言切中士習流弊故親
切爲諸生言之俾司教者知所以教而學者知所
以學

道光十二年閏九月二十四日奉

上諭朕恭閱雍正六年六月十七日

皇曾祖世宗憲皇帝實錄內載

諭內閣爲政之道以愛民爲本愛民者必須厚民之生而
賜時若百穀順成始可登蒼生於衽席感召

天和必由於民情之舒暢而民情舒暢必由於吏治之克
修從來言吏治者不外興利除弊二大端夫利之
所在小民自必趨事赴功不待督率而爲者爲上
者不過相導之而已至於除弊則小民所不能爲

之事而專賴爲上之人時刻留心體察破積習以
厚民風者也蓋地方之害莫大於貪官蠹役之腹
削強紳劣衿之欺凌地棍土豪之暴橫巨盜積賊
之劫奪此等人不能化導懲戒則百姓不獲安生
假若爲之有司者圖寬大之名沽安靜之譽於貪
官蠹役則庇護之於強紳劣衿則寬假之於地棍
土豪則姑容之於巨盜積賊則疏縱之雖在己無
殘害百姓之實跡而留此害民之人令百姓暗中
受其荼毒無所控訴古人云養稂莠者害禾稼惠

姦宄者賊良民如此則民氣何由而舒

天和何由而致乎

天以牧民之任授之君臣而百姓又復敬謹遵奉胼手胝足竭力輸將以事其上爲君臣者當共思之受

天之恩奉

天之命食民之食衣民之衣而乃怠忽優遊不能鋤姦禁暴置民間疾苦於度外上負

穹蒼下負百姓誠天地間之大罪人矣豈但天理有所不容卽清夜捫心當如何愧怍有牧民之責者各宜

撫躬自問時加警省慎之勉之欽此

聖訓煌煌至爲真切凡有牧民之責者尤宜敬謹遵循實力奉行思所以舒民氣而召

天和著自督撫以至州縣各衙門俱恭錄一道懸諸大堂庶可觸目警心隨時懍省倘於四者之中偶犯其一朕言出法隨必從嚴懲辦不稍姑容以期稂莠盡去嘉禾遂生民氣安恬

天心順應共臻郅治朕實有厚望焉將此通諭知之欽此
咸豐元年奉

旨頒發

御書德齊禱載匾額

同治元年頒發

御書聖神天縱匾額

光緒元年奉

旨頒發

御書斯文在茲匾額

聖祖仁皇帝御賜祭故廣西右江總兵張朝宣文

鞠躬盡瘁臣子之靖共賜卹報勤國家之盛典爾



張朝宣性行純良才能稱職方冀遐齡忽聞長逝
朕用悼焉特頒祭葬以慰幽魂嗚呼寵錫重泉庶
沐匪躬之報垂名信史聿昭不朽之榮爾如有知
尚克歆饗

